

ահա նոր լսեմք: Այլ թէ եղեալ է, կամ թէ ոչ, զայն մեք ոչ գիտեմք:

Վ--ն վեցերորդին:

Որ է վասն տաթեւացւոյն, զի ի գիրս տեսեալ, եւ ի ծերոց մերոց լուեալ, որ նոյն ինքն գրիգոր տաթեւացին է աշակերտ վերոգրեալ ովհաննու որոտնեցւոյ, որ ի պատարագի նոցա յիշատակի, որոց զտօնսն Երբեմն տօնէին ընդ Յովհաննու Երուսաղէմայ հայրապետի: Իսկ եւ զայն միւս տաթեւացին, որ գրիգոր անուամբ, որ իբր վկայական մահուամբ կատարեալ քսա ասից ոմանց, որ մեք ահա նոր լսեմք զնմանէ. որոյ պատմութիւն ասի եւ լսի, այլ մեք ոչ եմք տեղեակք:

Վ--ն եօթներորդին:

Վասն պարսամայ. զայն չար պարսամ հայք զնա ոչ գիտեն, եւ ոչ թէ ճանաչեն, կամ ընդունին զնա. այլ միայն զնա գիտեն, որ ընդ տրիփօնի վկայի տօնի. եւ զմիւսն, որ յիշի ի պատարագի ընդ միանձունսն հարց սրբոց:

Վ--ն --իւերորդին:

Ի մկրտելն Երեխայից, եւ ի կոչելն նորա Պարսամ անուամբ, ոչ թէ յանուն նորին, այսինքն Պարսամայ մկրտին, այլ ի յանուն ամենասուրբ Երրորդութեան մկրտեցեալք. եւ մկրտող քահանայն եւս այնու գիտաւորութեամբ, եւ ոչ թէ ի յանուն պարսամայն: Կամանապէս եւ վասն եկեղեցւոյն, որ ի Թօխատի ի յանուն սրբոյ է, եւ ոչ թէ ի յանուն այնմ չար պարսամայ, վասն այն յարգեն, եւ պատուեն հայք, որք եւ ի յանուն սուրբ կոչեցելոյն, եւ ոչ թէ ի յանուն այնմ չար պարսամայ: Այսպիսի խտրութիւնք, եւ տարածայնութիւնք,